



# ПЕТР АПОСТОЛДЫҢ

## БАШТАПКЫ САМАРАЗЫ

### 1

<sup>1</sup>Иисус Христостың апостолы Петрдан – Понтто, Галатияда, Кападокияда, Асияда ла Вифинияда чачылып, көчкүндер чилеп јаткан, Кудай талдап алган улуска. <sup>2</sup>Тын ажыра улусты агару эдер деп, башкыда темдектеп койгоныла, Ада Кудай слерди талдап алган. Ол слерди Иисус Христоско сөсуккур болзын, Онын каныла аруталзын деп, Тынла агару эдерин темдектеген.

Слерге јакшылык ла амыр кожулзын.

#### *Тирү ижемји*

<sup>3</sup>Кудайга, Иисус Христос Кайраканыстың Адазына, баш болзын! Ол Бойының улу быйаныла Иисус Христостың тирилгени ажыра биске јангы јүрүм берген, бисте Ого тирү ижемји болзын деп. <sup>4</sup>Ол јангы јүрүм берген, бисти мөнкү, ару ла чалдыкпас энчи алзын деп. Бу энчи слерге тенгериде чеберлелет. <sup>5</sup>Слерди дезе Кудай Бойының күчиле бүткенигер ажыра аргадаарга чеберлейт. Бу аргадаш калганчы өйдө ачыларга белен. <sup>6</sup>Бого сүүнигер. Эмди жүзүн-јүүр ченелтелерден улам эмеш кунугарга келижип турган болзо, чыдажыгар. <sup>7</sup>Онызы слердин Кудайга чындык бүдүп турганыгар мөнкү эмес алтыннан баалу болуп калзын деп керектү. Алтын да чындыйы отло ченелет ине. Ол тушта слердин бүдүп турганыгар, Иисус Христос ачылза, јараду, мак, күндү экелер. <sup>8</sup>Оны көрбөгөн бойыгар сүүп

жадыгар. Оны эмдиге көрбөй жадып, Ого бүдүп, сөслө айдып болбос улу сүүнчиле сүүнип, <sup>9</sup>бүдүп турганыгардын амадузына – тыныгарды аргадаарына једип аладыгар. <sup>10</sup>Бу аргадаш керегинде јарчылар бедиренип шинжүлеген; слерге темдектелген јакшылык керегинде озолондыра айткан; <sup>11</sup>олордо јүрген Христостын Тыны кемге ле кандый ойгө көргүскенин шинжүлеген. Христос кыйналар, онын кийнинде макталар деп, Тын озолондыра керелеген. <sup>12</sup>Олордын ижи бойлорына эмес, је слердин тузагарга болгон деп, јарчыларга ачылган. Эмди олордын айтканын тенгериден ийилген Агару Тынла Сүүнчилү Јар јарлаган улус слерге јарлыктаган эдилер. Ангелдер де мыны билип аларга сүрекей күүнзеп жадылар.

#### *Агару јүрүм*

<sup>13</sup>Онын учун, кур курчанган чылап, санаагарды курчап, ойгу болуп, Иисус Христос ачылганда, слерге берилип турган јакшылыкка бүткүлинче иженигер. <sup>14</sup>Сөсуккур балдардый болугар, башкыда билбей јүргенигерден улам слерде болгон кычаларга бакпагар. <sup>15</sup>Карын, слерди кычырып алган Кудай агару чылап, бойыгар да јүрүмеерде агару болугар. <sup>16</sup>Бичилген сөс бар ине: «*Агару болугар, ненин учун дезе Мен агару*».

<sup>17</sup>Кудай кажы ла кижини ылгабай, эткен керектериле јаргылайт. Анайдарда, Оны Адагар деп адап турган болзогор, Онон айап, јерде удурум јүрген ойигерди өткүригер. <sup>18</sup>Слерге адалардан берилген сандырашту јүрүмнен мөнкү эмес мөнгүнле эмезе алтынла садылып алылбаганарды, <sup>19</sup>карын, јек јок ло ару кураан ошкош Христостын баалу каныла садылып алылганыгарды билип жадыгар. <sup>20</sup>Ол телекей јайалардан озо талдалган, је слерге калганчы өйлөрдө ачылган. <sup>21</sup>Слер Ол ажыра Кудайга бүттигер. Кудай Оны тиргизип, Ого мак берген эди, слерди Кудайга бүдүп, Ого ижензин деп.

<sup>22</sup>Слер карындаштарды ылгабай сүүрге, чындыкка багып, тыныгарды арутадыгар. Бой-бойыгарды ару јүректен јаантайын сүүгер. <sup>23</sup>Слерге јангы јүрүм берген үрен үргүлји болуп јат. Ол – Кудайдын тирү ле артабас сөзи, <sup>24</sup>ненин учун дезе

кандый ла кижини өлөндий,

кижинин кандый ла магы өлөндөги чечектий.

Өлөнг кургаза, чечеги түжүп калат,

<sup>25</sup> је Кайраканнын сөзи үргүлјиге јүрет.

Бу – слерге јарлалган сөс.

## 2

### *Тирү ташка келигер*

<sup>1</sup>Анайдарда, не ле өштөштөн, не ле куурмакташтан, экижүсте-ништен, күйүништен, не ле жамандаштан айрылып, <sup>2</sup>янгы туулган балдар чылап өзөргө лө аргадаларга, сөстин ару сүдин тын күйн-зегер. <sup>3</sup>Слер амзап көрөлө, Кайракан быйанду деп, билип алган инегер. <sup>4</sup>Ого, улус жектеп койгон, же Кудай эрјине деп талдап алган тирү ташка, жууктап, <sup>5</sup>бойыгар да, тирү таштардан чылап, бойы-гардан бойыгар тыннын туразын тудугар. Анда Иисус Христос ажыра Кудайга жараар тыннан тайылга эдерге, агару абыстар болу-гар. <sup>6</sup>Чийимде айдылган ине:

*«Бат, Мен талдап алган эрјине ташты,  
булуннын төзиндеги ташты,  
Сиондо салып жадым.*

*Бу ташка бүдүп турганы, уйатка калбас».*

<sup>7</sup>Анайдарда, ол слерге, бүдүп тургандарга, эрјине таш, бүтпей тур-гандарга ол –

тура тудачылар жектеп койгон таш.

Је ол булуннын төзиндеги таш боло берген.

<sup>8</sup> Ол улус бүдүрилетен таш,  
олордын јолында кайадый.

Улус сөскө бакпай, бу ташка бүдүрилип жадылар. Олордын салымы андый. <sup>9</sup>Слер дезе, *Кудай талдап алган ук, Кааннын абыстары, агару улус*, Кудайдын калыгы. Ол слерди карачкыдан Бойынын кайкам-чылу жарыгына кычырган, *Онын улу быйанын јарлаарга талдап алган.*

<sup>10</sup> Слер башкыда Кудайдын калыгы болбогоныгар,  
эмди Онын калыгы болуп жадыгар;  
башкыда быйан албаганыгар,  
эмди алдыгар.

### *Кудайдын кулдары чылап эдип жүрүгөр*

<sup>11</sup>Кару улузым! Слерди, туш јерден келген, бу телекейде көч-күндер чилеп жүрген улусты, кычырып турум: тынга удур јуула-жып турган эт-каннын кычазынан ырап, <sup>12</sup>кара јандулар ортодо

јакшы јүрүм јүрүгөр. Олор слерди јаманды эдип туру деп бурулап болбозын, карын, слердин јакшы керектеригерди көрүп, Кудай олорго быйан берер күнде Оны мактазын. <sup>13</sup> Кижинин не ле јангына Кайраканга болуп багыгар: ол эн бийик јанда отурган каан да болзын, <sup>14</sup> кааннан ийилген башкараачылар да болзын. Олор каршучыларды кезедерге ле јакшыны эдеечилерди кайралдаарга ийилип јадылар, <sup>15</sup> ненин учун дезе Кудайдын табы мындый: бис јакшыны эдип, неме билбес улустын учур јок эрмек-куучындарын токтодор учурлу. <sup>16</sup> Јайым улус чылап јүрүгөр, јайымыгарды јаманды эдерге тuzаланбагар, карын, Кудайдын кулдары чылап јүрүгөр. <sup>17</sup> Ончо улусты тооп јүрүгөр, карындаштарды сүүгөр, Кудайдан айагар, каанды тоогор.

<sup>18</sup> Јалчылар, бийлерден айап, олорго багыгар, јангыс та јакшы ла кижизек эмес, је кату бийлерге багыгар. <sup>19</sup> Кем Кудайды сананып, акту јерге шыралап, ачу-корон көрүп турган болзо, бу јакшылык ине. <sup>20</sup> Кинчектер учун соктырып турган болзогор, не учун мактайтан? Јакшыны эдип шыралап, је чыдажып турган болзогор, слерди Кудай јарадып јат. <sup>21</sup> Слер бого кычырылган инегер. Христос слерди Онын изиле барзын деп, слерге тем артырып, слер учун шыралаган.

<sup>22</sup> Ол кинчек этпеген,

Онын сөстөринде төгүн јок болгон.

<sup>23</sup> Оны јамандаарда, Ол удур јамандабаган; шыралап јүрүп, коркытпаган, је мыны эдерин Чындык Јаргычыга бүдүмјилеген. <sup>24</sup> Ол кинчектеристи Бойынын эдинде Бойы керү агашка көдүрип, кадап койгон, бис кинчектерден айрылып, чындыкка јүрзин деп. Слер Онын шырказыла јазылдыгар. <sup>25</sup> Слер азып јүрген койлордый болгон инегер. Эмди Күдүчиге ле тыныгарды Чеберлеечиге бурулдыгар.

### 3

#### *Үйлери ле өбөөндөри*

<sup>1-2</sup> Анайда ок слер де, үй улус, эрлереерге сөсуккур болугар. Кудайдын сөзин угар күүни јок эр улус ару ла айап јүрген јүрүмигерди көрөлө, үйлеринин јүрүми ажыра Кудайга сөс јокко баштанзын деп, анайда эдигер. <sup>3</sup> Кееркемјигер тыш јаны болбозын, чач

өөргөни, алтын кийим эмезе кийимдеги жазал болбозын. <sup>4</sup>Карын, кееркемјигер ич бойыгар болзын. Бу јобош ло тымык тыннын чалдыкпас јаражы болуп јат. Мынызы Кудайдын алдында баалу. <sup>5</sup>Анайып, башкыда Кудайга иженген агару үй улус та эрлерине сөсуккур болуп, кееркединген эдилер. <sup>6</sup>Анайып, Сарра Авраамды бий деп адап, ого сөсуккур јүрген. Јакшыны эдип, неден де коркыбай ла түймебей турган болзогор, Сарранын балдары болгоныгар ол.

<sup>7</sup>Анайда ок слер де, эрлер, үйлереерге керсү болугар, оморды бортык аяакты чылап алып јүрүгер. Оморго күндү эдип јүрүгер, ненин учун дезе омор слерле кожо јакшылыкту јүрүмди энчиленер. Слердин мүргүүлигерге буудак болбозын деп, анайда эдигер.

**Чындык учун шыралап јүрери**

<sup>8</sup>Адакыда, ончогордын санаагар јангыс болзын, килежип јүрүгер, карындаштарды сүүгер, јымжак јүректү, улуркабас санаалу болугар; <sup>9</sup>јаманнын ордына јаман этпегер, айткылаштын ордына айткылабагар, карын, алкышты энчиленерге кычырылганыгарды билип, алкагар.

<sup>10</sup> *«Јүрүмди сүүп,  
јакшы күндерди көрөр күүндү кижиги  
јаман, төгүн сөстөр айтпай,  
тил-оозын тудунзын.*

<sup>11</sup> *Ол јаманнан кыйышсын, јакшыны этсин,  
амырды бедиреп, ого јүткүзин.*

<sup>12</sup> *Кайракан актуларга көрүп јат,  
олордын јайнуузын угуп јат,  
је Кайракан јаман эдеечи улуска удур».*

<sup>13</sup>Јакшыга јүткүп турган болзогор, слерге кем јаман эдер? <sup>14</sup>Је чындык учун шыралап та јүрген болзогор, кежиктү болгоныгар ол. Слерге јаман эдерге турган улустан коркыбагар, түймебегер.

<sup>15</sup>Христос Кайраканнын агарузын дезе јүрегереде чеберлегер; ижемјигер керегинде слерден јартамал некеп турган не ле кижиге каруу беререге јаантайын белен болугар. <sup>16</sup>Је мыны јымжак күүндү, аяап ла тооп эдигер, санаагар ару болзын. Ол тушта Христостын Бойындагы јакшы јүрүмеерди јамандап турган улус уйатка калар. <sup>17</sup>Кудайдын табы болзо, јаман керектер учун шыралаганча, јакшы керектер учун шыралаганы артык ине. <sup>18</sup>Христос то бисти Кудайга

экелерге, кинчектер учун, акту бойы, акту эместер учун бир катап ла үргүлжиге өлгөн. Ол эт-канла өлтүрилген, тынла – тирилген. <sup>19</sup> Бу тын ажыра ок таамыдагы кижендү сүнелерге келип жарлыктаган. <sup>20</sup> Булар Нойдын күндеринде Кудайга бакпаган улус болгон. Олорды ковчег тудулганча Кудай узак чыдажып сакыган. Ковчегте жүк сегис кижичайыктан аргадалган. <sup>21</sup> Анайып слерди де эмди креске түжери аргадайт. Креске түжери – ол эт-каннын кирип жунары эмес, же ару санаала Кудайга баштанары, ол Христостун тирилгени ажыра аргадайт. <sup>22</sup> Ол тенгериге көдүрилип, Кудайдын он жанында жүрет, Ого ангелдер, өрөги жанлар ла күчтер баккандар.

## 4

### *Кудайга учурлалган жүрүм*

<sup>1</sup> Анайдарда, Христос эди-каныла шыраллаган. Слер де ол ло санаала жепсенигер, ненин учун дезе эди-каныла шыралап жүрген кижичайыктан кинчек этпей барат. <sup>2</sup> Жердеги жүрүмдин арткан ойин кижинин кычаларына башкартып эмес, же Кудайдын табыла өткүрерге, онын анайда эдип турганы ол. <sup>3</sup> Өткөн өйлөрдө кара жандулар чылап жүргенигер болор ине. Балыр жүрүп, кычага башкартып, аракыдап, тойлоп-жыргап, ичип-жип, жескинчилү чалуларга бажырган эдигер. <sup>4</sup> Онын учун олордын жүрүмди жылыттар керектеринде турушпай турганыгарга кайкап, олар слерди жамандап жадылар. <sup>5</sup> Олор саадабай тирүлерди ле өлгөндөрдү жаргылайтан Кудайга каруу берер. <sup>6</sup> Бого болуп өлгөн дө улуска Сүүнчилү Жар жарлалган, олар, ончо улус чылап эт-каннын эткен керектери учун жаргылаткан бойлоры, Кудай чылап, тыннан жүрзин деп.

<sup>7</sup> Же ончозынын учу жуук. Анайдарда, керсү болугар, мүргүп, сергек болугар. <sup>8</sup> Элден озо бой-бойыгарды жаантайын сүүп жүрүгер, ненин учун дезе сүүш көп кинчектерди таштаттырып жат. <sup>9</sup> Арбанбай, бой-бойыгарга күндүзек болугар. <sup>10</sup> Кажы ла кижичайыктан Кудайдын жүзүн-башка жакшылыгынын жакшы башкараачызы чылап, алган жайалтазын бой-бойына тузаланзын. <sup>11</sup> Айдып турган кижичайыктан, Кудайдын сөстөрүн чилеп айтсын, серкпеде иштеп жүрген кижичайыктан, Кудай берип турган күчле иштезин. Ол Иисус Христос ажыра ончозында макталзын деп, анайда эдигер. Ого чактардын чакка мак ла жанг. Аминь.

*Христосло кожо шыраалары*

<sup>12</sup> Кару улузым! Слерге Кудай отло ченелте ийзе, кайкабагар, ол слерге туш неме деп бодобогор. <sup>13</sup> Карын, сүүнигер, ненин учун дезе Христостын шыраларында туружып жадыгар. Онын магы ачылза, сүүнеригер ле жыргаарыгар. <sup>14</sup> Христостын ады учун слерди жамандап турган болзо, кежиктү болгоныгар ол, ненин учун дезе Кудайдын мактулу Тыны слерде амырап жат\*. <sup>15</sup> Слерге шырааларга келишсе, ол шырагар өлтүргени, уурдаганы, жаман эткени, өскө кижинийин күүнзегени учун эмес болзын. <sup>16</sup> Христостын кижизи чилеп шыралап жүрген болзон, уйалба, же Онын адын аданып жүргенин учун Оны макта. <sup>17</sup> Кудайдын калыгынан башталатан жаргынын өйи једип келген ине. Озо бистенг башталза, Кудайдын Сүүнчилү Жарына бакпай турган улусла не болор? <sup>18</sup> *Актузы жүк арайдан аргаданып турган болзо, Кудайга бүтпезиле, кинчектүзиле не болор?* <sup>19</sup> Анайдарда, Кудайдын табыла шыралап жүргендер јакшыны эдип, Ого, сөзине чындык Јайаачыга, жүрүмин бүдүмјилезин.

## 5

*Кудайдын үүри*

<sup>1</sup> Анайдарда, мен, серкпенин јааны бойым, Христостын шыразынын керечизи ле ачылатан макта туружаачы кижиде, слердин јаандарга баштанып турум: <sup>2</sup> Кудайдын слерге берилген үүрин кабырыгар. Је мыны албан јокко, бойыгардын күүнигерле, Кудайга јараарынча эдигер, уйатту кирелтеге болуп эмес, күүнзеп эдигер. <sup>3</sup> Кудай бүдүмјилегенди бийлебей башкарыгар, же үүрге тем көргүзигер. <sup>4</sup> Баш Күдүчи ачылза, мактын чалдыкпас кайралын аларыгар.

<sup>5</sup> Анайда ок кичүлер де јаандарга багыгар, бой-бойыгарга болу-жарга белен болуп, јобош болугар, ненин учун дезе

*Кудай оморкокторго удурлажат,  
јобожыгандарга јакшылык берет.*

---

\* Кезик јебрен түрбектерде кожумак бар: «Олор Оны жамандап жадылар, слер мактап жадыгар».

<sup>6</sup> Онын учун Кудайдын күчи алдында јобожыгар, Ол слерди темдектелген өйдө бийикке көдүрер. <sup>7</sup> Не де керегинде санааркабагар, Ого иженигер, ненин учун дезе Ол слерди кичееп көрүп жүрү. <sup>8</sup> Эрүүл, сергек болугар! Слердинг өштүгөр көрмөс кемди јуда салайын деп бедиреп, ыркыранган каракула чылап базап жүрү. <sup>9</sup> Бек бүдүп, ого удур туругар. Бу телекейде андый ок шырага слердин карындаштарыгар да алдырып турганын билеригер.

<sup>10</sup> Не ле јакшылыкты берип турган Кудай дезе слерди Иисус Христостогы Бойынын мөнкү магына кычырган. Слер кыска өйгө шыралаган кийнинде Ол Бойы слерди түзедер, бек тургузар, күчтү, турумкай эдер. <sup>11</sup> Ого чактардын чакка јан. Аминь.

*Адакы сөс*

<sup>12</sup> Мыны Силуаннын болужыла бичидим. Мен оны чындык карындаш деп бодоп јадым. Кычыру эдип ле керелеп, Кудайдын чын јакшылыгы не болгонын слерге кыскарта бичидим. Бу јакшылыкта болуп жүрүгөр.

<sup>13</sup> Слерди чилеп Кудай талдап алган Вавилондогы серкпе, база Марк уулым слерди уткып турулар. <sup>14</sup> Бой-бойыгарды жүрегерге кару улусты чылап уткыгар.

Ончогорго, Христостын Бойында жүргендерге, амыр\*.

---

\* Кезик јебрен түрбектер «Аминь» деп сөслө түгенет.